



30. december 2010

Inatsisartut suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

Aningaasanut inatsimmi konto 40.94.14 naapertorlugu meeqqanut inuusuttuaqqanullu suliniaqatigiiffiit kattuffiini kisimiillutik toqqaannartumik Aningaasanut Inatsisitigoortumik taperneqartarput Sorlak, Sukorseq Spejderillu kattuffii. Taamaattumik apererusuppunga:

- 1. Meeqqat Inuusuttullu suliniaqatigiiffii (Kattuffii) allat qulaani taaneqartut tapiissutitigut atugaanut assingusumik periarfissinneqarnissaat eqqarsaatigineqarsinnaannginnerluni?**
- 2. Qulaani atukkanut assingusunik Kattuffinnut allanut periarfissinissaq pisinnaanngippat suut tunngavilersuutigalugit aalajangiineq piva?**

(Inatsisartunut ilaasortaq Doris Jakobsen, Siumut)

Tunngavilersuut:

Kalaallit Ilinniagaqartut Kattuffiat KIK, 3. november 2010 Inatsisartunut ilaasortanut tamanut sakkortuumik allagaqarpoq, inuusuttut suliniaqatigiiffii allat assigalugit soq KIK aningaasanut inatsimmi taperneqarneq ajornersoq.

2011-mut aningaasanut inatsisissamut siunnersuummi konto 40.94.14-imi takuneqarsinnaavoq, Sukorseq allaffissornikkut aningaasartuutitut tapiiffigineqarnissaminut missingersuusiorfigineqartartoq, soorluttaaq Kalaallit Nunaanni Spejderit siunnersortiisa aningaasarsiassaannut aningaasaliisoqartartoq. Isumaqarpunga aningaasaliivigineqartarnerat pissusissamisoortoq naappertuullunilu, taamaattoq isumaqarpunga Meeqqanut Inuusuttunullu suliniaqatigiiffiit allat (Kattuffiit) Sukorsikkunnut, Spejderillu assigalugit allaffissornikkut aningaasartuutaannik matussusiinissaq qulakkearniarlugu tapiiffigineqartalernissaat siunniunneqartariaqartoq.

Aallarniutinnimi eqqaasara KIK assersuutigiinnarutsiguluunniit Sukorsikkut, Spejderillu assigalugit allaffissornikkut assigiinngitsunik aningaasartuuteqartarput, soorlu kattuffiit allat taama atugaqartut.

Taamatut tunngavilersuuteqarlunga apeqquteqarpunga, piumasaralugu apeqquteqaatika ullut qulit suliffiusut iluanni akineqarnissaat.